

GEMEENTEBULLETIN

5 JULIE 2020



SONDAG 5 JULIE AANLYN EN KERKDIENTSTE

Oggend-en-gesinsdiens

In die kerk om 09:00 en 11:00.

Direkte uitsending om 09:00 | www.stellenberg.co.za

Psalm 63 | 'n Dieper kyk | Ds. René Potgieter

Meditatiewe diens

Aanlyn vanaf 06:00 | www.stellenberg.co.za

Relevant-diens

Aanlyn vanaf 06:00 | www.stellenberg.co.za

KYK aanlyn Sondagoggend om 09:00 na die direkte uitsending van die oggend-en-gesinsdiens via www.stellenberg.co.za, of die Youtube-kanaal. Vanaf 10:00 kan jy ook op enige dag of tyd na die opname van dié diens op die webwerf kyk. Opnames van die meditatiewe en Relevant-dienste is soos voorheen vanaf 06:00 op die webwerf beskikbaar.

LUISTER na die klankbaan van die oggenddiens op die webwerf.

LEES die geskrewe oggenddienspreek op die webwerf.

EREDIENSTE IN DIE KERK

Lees asb. die volledige inligting rakende die inrigting van eredienste in die kerkgebou op www.stellenberg.co.za.

Twee eredienste sal op Sondag om 09:00 en 11:00 in die kerkgebou aangebied word, terwyl die aanlyn dienste ook voortgaan.

Slegs 50 persone mag volgens Covid-19-regulasies 'n erediens bywoon. Daarom versoek ons dat jy jou plek om 'n diens by te woon gedurende die week wat die Sondag voorafgaan, sal bespreek. Stuur 'n e-pos na karen@stellenberg.co.za, of skakel die kerkkantoor woensdae, tussen 08:00 en 13:00, by 021 976 4519. Besprekings moet voor Vrydae 12:00 gedoen word. Stuur asb. die volle name en identiteitsnommers van al die persone wat die diens gaan bywoon.

GEDAGTES VIR ELKE DAG VAN INPERKING

'n Geestelike dagstuk word daaglik op www.stellenberg.co.za onder "Gedagtes vir elke dag" geplaas, of lees dit elke dag op die gemeente se Facebookblad.

EK HET HULP NODIG

Indien jy tydens die inperking enige vorm van fisiese, of emosionele hulp benodig, kontak asseblief een van die leraars, of stuur 'n e-pos aan hulp@stellenberg.co.za.

'N NUWE PREEKREEKS

Na Pinkster breek Koninkrykstyding op die kerkkalender aan en daarom is ons besig met 'n splinternuwe vyf weke lange preekreeks.

Tema: Ek **GLO, GROEI** en aanvaar myself, omarm ander en **LEEF** só om 'n verskil in hierdie wêreld waarin God regeer, te maak.

So skakel 'n mens in:

- **Eredienste.** Skakel in by ons aanlyn eredienste, of woon die oggenddiens in die kerk by.
- Besoek Bybel Media se webruimte ***faithpath.co.za*** en voltooi van die aanlyn vraelyste wat daarop beskikbaar is. Daar is verskeie vraelyste op die webwerf wat jou sal begelei om jou eie geloofstyl beter te verstaan en so ook as gelowige te groei.
- 'n **Bykomende vraelys** word gratis, net vir Stellenberg-lidmate, beskikbaar gestel. Om die skakel na die vraelys te bekom, stuur 'n e-pos na karin@stellenberg.co.za.

MET LEEDWESE

Hendrihëtta (Hettie) Koekemoer, gebore 06/02/1973 en oorlede op 26/06/2020. Sy was sedert 2008 'n lidmaat van die gemeente. Haar roudiens is op Maandag 6 Julie om 14:00 in die kerkgebou.

Ons opregte meegevoel aan haar man, Tinus, asook haar twee dogters, Elizna en Marelise, wat sy agterlaat. Elizna en Marelise is albei lede van ons Annibrand-groepe.

Lidmate wat graag na die roudiens wil kyk, kan op Maandag 6 Julie om 14:00 na die direkte uitsending kyk deur dié skakel te gebruik:

<https://youtu.be/9iIYtY7sP-w>.

AANLYN SAMARITAAN

Besoek gerus die nuwe aanlyn Samaritaan-advertensieblad op www.stellenberg.co.za. Die blad bied aan entrepreneurs, of eienaars van kleinsakeondernemings die geleentheid om dienste en produkte teen bekostigbare tariewe te adverteer. Werkseleenthede en bekostigbare blyplekke word ook geadverteer. Rig navrae aan sanel@stellenberg.co.za.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrigter, asook 'n musiekterapeut se dienste word aangebied. Die sentrum is gesluit, maar Rudolph van Schoor, sentrumbestuurder en lewensafrigter, is beskikbaar by 082 854 4530.

HET JY 'N PREEK MISGELOOP?

Kliek op die eredienste-blokkie op die webwerf en dan op die YouTube-skakel om die argief van al die opnames van preke te bereik.

BYBELSKOOL | PAULUS SE BRIEWE

Die grootste deel van die Nuwe Testament bestaan uit briewe wat deur Paulus aan die vroeë gemeentes geskryf is. Dit is dikwels vir ons moeilik om elkeen van Paulus se briewe afsonderlik te beoordeel en die belangrike nuanses en verwickelinge wat in die skrifgedeeltes opgesluit lê, te begryp. In die volgende aanlyn Bybelskool gaan ons juis in Paulus se voetspore loop en ontdek hoe nuwe moontlikhede vir gelowiges onder leiding van God se Gees in hulle eie leefwêreld gerealiseer het. Die aanlyn kursus sal vanaf Dinsdag 7 Julie aanlyn op www.stellenberg.co.za beskikbaar wees. Kyk gerus na die beeldmateriaal. Handleidings sal ook daar beskikbaar wees.

WINTERKLERE VIR KINDERS

Daar is groot behoefte aan winterklere, spesifiek vir kinders in die Karoo. Ds. Why Duvenhage besoek die Karoo-distrik gereeld en sal alles skenkings dan saamneem. Indien jy met warm tweedehandse kinderklere kan help, gee asb. bydraes by die kerkkantoor af van Maandag tot Vrydag tussen 08:00 en 13:00. Jy hoef nie die kantoorgebou te betree nie. Bydraes kan op die stoep voor die voordeur geplaas word. Lui asb. net die klokkie en stel ons in kennis van die aflewering.

VOEDSELHULP

Voedselhulp in samewerking met verskeie nieregeringsorganisasies, asook met ons medewerkers in verskillende gemeenskappe, bly een van die gemeente se hoogste prioriteite. Voedsel word tans weekliks in Wesbank, Khayelitsha en Ysterplaat versprei.

Die afgelope week is vyf ton groente en twee ton mieliemeel uit die Koue Bokkeveld ontvang en onder ons verskillende verspreidingspunte verdeel.

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 001 1, takkode 632005, maak. Gebruik *hande en rande* as verwysing.

PROJEK SAMARITAAN HULPLYN

hulp@stellenberg.co.za

NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang deur jou naam, van en selfoonnommer na 083 611 4720 te stuur.

GEBEDSVERSOEKE

Stuur jou gebedsversoeke (anoniem indien jy dit verkies) na navrae@stellenberg.co.za.

SERPE EN MUSSE VIR DIE KAROO

Ds. Why Duvenhage het die afgelope week die gemeente se bekende uitreikdorpe in die Karoo besoek en die voorreg gehad om die pragtige serpe en musse wat deur die gemeente se breigroep gebrei is, daar uit te deel. Calitzdorp, Zoar, Klaarstroom, Leeu-Gamka en Beaufort-Wes is besoek, asook Matjiesfontein vir die eerste keer. Die nood in laasgenoemde gemeenskap is blykbaar so groot dat dié dorp beslis in die toekoms een van Stellenberg se uitreikbestemmings sal raak.

Volgens ds. Duvenhage het hulle werklik honderde musse, serpe en ook truitjies ontvang en is baie dankbaar teenoor die breigroep vir hulle volgehoue ywer. Hy vra dat die breiers asseblief nie moet ophou brei nie – daar is net altyd meer en meer koue en honger kinders op dié Karoodorpe.



LEREAARS

Ds. Hanno Ackerman

079 543 5261

hanno@stellenberg.co.za

Ds. Marius Breytenbach

082 376 6053

marius@stellenberg.co.za

Ds. Philipp Dietmann

084 354 0729

pdiemann@gmail.com

Ds. Why Duvenhage

082 570 5931

why@stellenberg.co.za

Ds. René Potgieter

079 893 8104

rene@stellenberg.co.za

Ds. Callie Visagie

072 385 4368

ctvisagie@

stellenberg.co.za

Stellenberg

**Ondersteuningsentrum
(SOS)**

Rudolph van Schoor

Sentrumbestuurder

082 854 4530

rudolph@stellenberg.co.za

FINANSIËLE BYDRAES

Hartlik dankie aan elkeen wat gedurende hierdie moeilike tyd die gemeente in staat stel om finansiëel te oorleef. Bydraes kan soos volg gemaak word:

Debietorder

Laai die aansoekvorm van die webwerf af.

EFT-betaling

Dit kan oorbetaal word na ABSA-tjekrekening
145 058 0011,
takkode 632005.

SnapScan




Kontantbydraes – plaas in die posbus


Diegene wat verkies om hulle bydraes kontant te gee, kan steeds kontantbydraes by die kerkkantoor afgee. Daar is 'n beveiligde posbus by die voordeur van die kerkkantoor. Plaas jou bydrae daarin. Die posbus word daaglik leeggemaak.

DANKOFFERS EN BANKKOLLEKTES

Dankoffers



Bankkollektes



STELLENBERG-GEMEENTE

www.stellenberg.co.za

Kerkkantoor

021 976 4519

navrae@stellenberg.co.za

Die kerkkantoor is weksdae, vanaf Maandae tot Vrydae tussen 08:00 en 13:00 oop.

Met die oog op Covid-19-protokol, versoek ons besoekers om waar moontlik nie die kantoor te betree nie. Pakkies kan by die voordeur se hek, op die stoep, gelaat word. Ons sal dit daar in ontvangs neem.

Doen sover moontlik asseblief telefonies tussen 08:00 tot 13:00 navraag oor sake of stuur 'n e-pos na navrae@stellenberg.co.za.

Straatadres

h.v. Moutain View-rylaan en Edelweissweg, Eversdal, 7550